



§ 0.15

# JORNAL da REPÚBLICA

PUBLICAÇÃO OFICIAL DA REPÚBLICA DEMOCRÁTICA DE TIMOR - LESTE

## Número Extraordinário

### SUMÁRIO

#### COMISSÃO NACIONAL DE ELEIÇÕES:

##### Deliberaun CNE 05/III/2022

Apresiasaun ba Prosesu Estabelesimentu Sentru  
Votasaun iha Diáspora-Australia ba Sentru Votasaun iha  
Australia ..... 1

#### DELIBERASAUN CNE 05/III/2022

#### APRESIASAUN BA PROSESU ESTABELESIMENTU SENTRU VOTASAUN IHA DIÁSPORA-AUSTRALIA BA SENTRU VOTASAUN IHA AUSTRALIA

Comissão Nacional de Eleições (CNE) realiza reuniaun plenária extraordinária iha loron Tersa, data 1 Marsu 2022, ho akta Nú. 10/CNE/III/2022, ho ajenda;

#### - Apresiasaun ba prosesu estabelesimentu sentru votasaun iha diáspora-Australia.

Konsidera ba iha pontu 2, artigu 65, Konstituisaun RDTL hateten “O recenseamento eleitoral é obrigatório, oficioso, único e universal, sendo actualizado para cada eleição”. Pontu 6 hosi artigu ne’e dehan “A supervisão do recenseamento e dos actos eleitorais cabe a um órgão independente, cujas competências, composição, organização e funcionamento são fixados por Lei”. CNE núdar órgaun independente hodi supervizona resenseamentu no aktu eleitoral sira.

Hare’e mos ba atribuisaun CNE iha artigu 8.º, Lei Nú. 5/2006, 28 Dezembro, Lei ba Órgaun Administrasaun Eleitoral, ho redasaun atualizada iha Lei Nú. 16/2021, 14 de Julho, atribui competência ba CNE atu halo supervizaun ba resenseamentu eleitoral no aktus eleitoral sira seluk.

Konsidera mós ba iha pontu 1 no 2, 3 no 4, artigu 2, pontu 1 no 2, artigu 3, alinea a) no b), pontu 1, artigu 9 no 10, Lei Nú. 6/2016, Lei do Base de Dados de Resenseamento Eleitoral (BDRE), 25 de Maiu, redasaun atualizada iha Lei Nú 16/2021, 14 de Julho,

Konsidera mós ba iha prosedimentus téknikus ba realizaun RE-ABD, **Decreto do Governo Nú. 12/2016**, 21 Dezembro. **Resolução do Governo No. 105/2021** ba Eleisaun Prezidensial 2022, regulariza kona bá postu resenseamentu eleitorál no atualizasaun baze de dados iha diáspora. Haktuir rezolusaun temi iha leten, haktuir kalendáriu ba Resenseamentu no Atualizasaun Baze de Dados ba Eleisaun Presidente Repúblika 2022, hahu’u implementa iha 1 Julu 2021 to’o 14 Janeiro 2022.

Hodi haree liu tan bá iha legalidade relasiona ho prosesu estabelesimentu Sentru Votasaun tolu (3) ne’ebé STAE publika ba Eleisaun Presidente Repúblika 2022, 19 Marsu, CNE núdar órgaun eleitorál independente ne’ebé ho kompeténsia halo supervizaun ba aktu eleitorál no referendáriu iha Timor-Leste haktuir Konstituisaun ho nia Lei sira, hato’o pedidu apresiasaun ida ba Juis sira iha Tribunal de Recurso, 28 Fevereiro 2022 ho ofisiu No. Ref. 51/CNE/II/2022. Pedidu ne’e Tribunal Recurso fo resposta ho ofisiu No. Ref. TR/GP/III/2022/031, data 01 de março de 2022. Iha pragráfu 2) hosi ofisiu ne’e hateten, iha momentu períodu eleitorál nian, laiha atribuisaun kompeténsia ba tribunal. Paragráfu 8), hateten, artigu 43, Lei Nú. 15/2021, 14 de Julho, Lei ba Eleisaun Presidente Repúblika, kompéte ba Tribunal atu halo desizaun ba rekursu CNE nian, relasiona ho dúvida, reklamasoens ka protestu sira ne’ebé apresenta durante prosesu votasaun no hafoin halo enseramentu, ba iha operasoens eleitorais ne’eb’e funsiona iha teritóriu nasional. Ba operasoens eleitorál sira iha estrangeiru, alinea 8) no 10) hosi artigu 43 nian.

Bazeia ba agenda konvokatóriu CNE refere, iha apresiasaun hosi mesa plenária konsidera katak *direitu ba vota ka direitu ba sufrájiu* hanesan direitu fundamental ida nebe ita nia Konstituisaun rasik garante ida ne’e (artigu 47.º). Atu ezerse dever síviku ida ne’e maka Konstituisaun mos garante ezisténsia órgaun independéte ida tuir Lei ho nia atribuisaun sira mak temi ona iha leten. Núdar órgaun independente tuir Lei, CNE iha obligasaun tomak atu kumpri disposizaun konstituisaun no lei sira nebe vigor hodi garante prinsípiu imparcialidade, independénsia no transparénsia ba implementasaun aktu eleitorál inklui referendáriu.

Atu garante sidadaun eleitor sira hotu bele partisipa iha prosesu eleisaun ba Presidente República 2022, tuir Konstituisaun katak, *obligatóriu* halo resenseamentu no atualiza ba kada eleisaun. Konsidera mos ba prinsípiu Konstitusionál sira nebe dehan katak ema hotu hanesan iha lei nia oin no la ho diskriminasaun (artigu 16.º KRDTL).

Haktuir rezolusaun 105/2021, define postu resenseamentu estabese iha país hamutuk lima (5) mak Portugal, Reuni Unidu, Korea do Sul, Irlanda do Norte, inklui iha Australia. Ho sirkumstánsia pandémia moras COVID-19 Australia ho regras konfinamentu obrigatóriu no restrisaun ne'ebé rigoroza tebes.

Tamba ne'e iha Australia resenseamentu no atualizasaun ba BDRE la implementa. Nune'e, total eleitores iha Austrália nebe publika iha *Jornal da República*, CNE laiha koñesimentu no atividade ne'e la hetan supervizaun husi CNE. Hodi garante kumprimentu ba aplikasaun disposizaun Konstitusionál ho Lei sira, CNE deside:

1. Labele hala'o votasaun iha Australia;
2. Númeru total eleitor rejistu ikus tinan 2018 hosi postu resenseamentu sira iha Australia, STAE labele utiliza ba Eleisaun Presidente República 2022, 19 Marsu;
3. Kabe ba STAE atu elimina sentru votasaun iha Austrália ba Eleisaun presidente República 2022, 19 Marsu (artigu 4.º Dekretu Governu n.º 6/2022, 14 janeiru);
4. Husu ba STAE atu oferese BDRE no sentru votasaun sira atualizadu mai iha CNE;
5. Desizaun ne'e sei la implika ba realizaun Eleisaun Presidente República 2022 no eleisaun sira tuir mai.

Refere ba iha desizaun nebe temi iha leten, CNE konklui ho aprovasaun final ba desizaun atu hala'o no kumpri núdar desizaun kolétiva hodi halo altersaun ba sentru votasaun (*ref.* Austrália) ba Eleisaun Presidente República 2022, ho efeitu sei halo publikasaun final iha *Jornal da República*.

Dili, 01 Marsu 2022;

Aprova hosi,

Comissão Nacional de Eleições (CNE)

1. José Agostinho da Costa Belo Pereira, S.IP., SH.,MM (Presidente CNE) \_\_\_\_\_
2. Domingos Barreto, SH (Vise Presidente CNE) \_\_\_\_\_
3. Odete Maria Belo, SE.,MM (Sekretaria CNE) \_\_\_\_\_
4. Eng. Olavio da Costa Monteiro Almeida (Komisáriu CNE) \_\_\_\_\_
5. Carlito Martins, SP., MBus (Komisáriu CNE) \_\_\_\_\_